



datacolor




preceptes & Instru
ctions politiques

De Sirens Antiques

13

33.7-7



Pieces contenues en ce volume,

1. Dessein d'une Academie par Fleurance Rivault. 16 fol.
2. Dumiqui 1^{re} leçon faite au Louvre 26 p.
3. Gusi. Prodomium mathematicum. Lat. fol. 25. p.
4. Preceptes d'Agapetus, mis en franc. par Louis XIII. 23 p.
5. Quaedam ex lectionibus Ludov. XIII. 18. p.
6. Tablettes Royales par J. B. Richardson Prince d'Agapet 150. p.
7. Praecepta Socratis ab Erasmo, & Agapeti. 38. p.
8. L'Academie du Roi parle s^r. de Belleperche. 32. p.
9. De l'origine et utilité de l'art politique, par le s^r. de Belleperche. 10. p.
10. Considerations politiques de R. Pietre. 96. p.
11. Libres Discours par Duprassac. 1618. 32. p.
12. Aphorismes ou Sentences dorées. 46. p.
13. Discours au Roi sur son instruction. 64. p.
14. Harangue et Privilege pour ce discours. 4. pag.
15. Recueil en Françoise en Espagnol des coutumes d'Albarrade 30. pag.
16. Emblemes sur les actions de Innocent Espagn. 34. pag.
17. Redomontades Espagnoles. trad. par Gueltier. 38. p.

[Faint, illegible handwriting on aged paper]

L

L

D

Δ

2

P

AV NOM DE
NOSTRE SEIGNEVR SESVS CHRIST.

L'ACADEMIE DV ROY,
pour l'instruction de la ieunesse.

H A R E N G V E
PANEGYRIQVE DES-
DIEE A LA MAGESTE
DV ROY HENRY
QVATRIESME.

RECITEE
A L'OVERTVRE DE SON ACADEMIE.

L'ARGVMENT ET SVBGET,
*tendant principalement au nombre de
Quatre admirable, apparoiſtra
l'autre part.*

Par le S. & Anteceſſeur de Belleperche
Conf. du Roy & l'Intendant
Profefſeur.



Les preſentes ſe trouuent.
Au petit Bourbon, logis de l'ACADEMIE:
aux faulxbourgs ſainct Iacques
de Paris.
AVEC PERMISSION.

AVANT NOM DE
 NOSTRE SEIGNEUR JESUS CHRIST
 L'ACADEMIE DU ROY
 pour l'infraction de la jeunesse
 H A R E N C V E
 P A N E G Y R I Q V E D E S
 D I E U A L A M A G E S T E
 D U R O Y H E N R Y
 Q U A T R I E S M E

*Messieurs, oyez, lisez: esteuez vostre cœur
 Au bien de la patrie à prouffit & honneur.
 Nostre bon Roy des siens ne requiert flatterie.
 Et d' Histoire le vray s'oppose à menterie.*

Par le S. & Antecessor de Belleperche
 Comte du Roy & Maréchal
 Procureur
 Les presens se trouvent
 Au petit Bourbonlogis de l'ACADEMIE
 aux saulzbourgs s'insc Jacques
 de Paris
 AVEC PERMISSION

EXTRAICT D
 U R. LOY ESTE
 presentee par le
 & accordée p
 Es
 an pres
 L'age de
 premieres choses
 non de son Non
 Du Sarcour, de la
 Solennelle aux Cl
 Pour Quarante
 le voir de Luce
 Presenté à la
 Les prescheure
 non donne de
 l'annere
 DIME ent
 qu'on ne
 pour Les La
 IS LVON
 nantez



EXTRAICT DV PLACET
ET REQVESTE TRESHVMBLE
presentée par le S. de Belleperche,
& accordée par sa Magesté.

Essay & subgect de la Harègue pour
l'an present & Quarète Quatriesme de
l'aage de sa Magesté: Premiere de celles
promises chascun an au iour de sa natiuité: En l'hō-
neur de son Nom & pour action de graces.

Du Sauueur, de la Vierge, & du S. Precurseur,
Solennelle aux Chrestiens est la triple naissance:
Pour Quatriesme d'Henry Roy & conseruateur,
Le iour de Luce soit memoire heureuse en Frâce.

Presenté à sa Magesté le iour & feste de sainte
Luce, tresheureux iour pour la naissance & lu-
miere donnée de Dieu au Roy, & pour la naissance
& lumiere qu'il plaise au Roy donner à l'ACA-
DEMIE entiere & accomplie de la ieunesse. Ce
qui se trouue à propos & aucunement fatal, signi-
fiant Lux Latin, Italien & Hespagnol lumiere.
Et LVCINA estoit anciennement la Deesse des
natiuitez. le 13. de Decembre 1597.

LA presente Harangue & oraison conceue
sur l'ouuerture de L'ACADEMIE & pour
action de graces de la permission donnée par la di-
gne voix Royale, de tenir & exercer l'ACADE-
MIE pour l'instruction entiere & accomplie de
la ieunesse: Et dressée en l'honneur de sa Mage-
sté & sur le subgect principalement du nombre
de Quatre, admirable au ciel, en terre, au Roy
& Royaume: Fust recitée & prononcée en
grande & tres-honorée assemblée: à vne heu-
re attendant deux, le cinquiesme de Feburier 1598.
seiziesme iour de Ieudy complet depuis celuy de
Saint Denys patron, promis en la premiere pro-
position & affige Latine: Au couuent des Relli-
gieux Augustins, proche l'hostel Saint Denys:
En la Ville & Vniuersité de Paris. Par nous Iac-
ques Bourgoing de Belleperche & S. de Poissons
Parisien, Conseiller du Roy cy deuant general en
sa Cour des Aydes à Paris, Antecesseur au Droiect
n'agueres Professeur en l'Vniuersité du Droiect
Romain & François à Moulins en Bourbonnois.



AT NOM DE
Mte. Sirey

EST LE
Pour Q
nos
vous
que le
Dieu, no
Velin
du
de la
de Ch
de grand
mes des
Penne
de la
La
fin ny
Non le
Quel
de l'ame
d'impie
cette
nos
le fond
cette



AV NOM DE
Nostre Seigneur Iesus Christ.

MESSIEURS:
POUR QUATRE causes & raisons, nous sommes incitez de deuoir, inuitez par exemple, à inuocuer le Nom de Dieu: du vray Dieu, vn en trois & trois en vn, Nostre Seigneur Iesus Christ, engendré de Dieu le Pere, conceu du sainct Esprit, né de la Vierge Marie. Debuoir, disie, de Chrestien: Exemple de l'Empereur Iustinian & du grand Pontife: sans qu'il soit besoing imiter les Payens avec leurs Dieux estranges à l'entree de l'œuure: mais plustost les surmonter, disoit Sainct Ambroise,

La premiere cause: De ne rien commencer en fait ny en parole, ny iour & an, que par le Nom & soubz l'honneur de Dieu. La seconde, Que l'entreprise de cest œuure pie & bien public, de duree à la posterité, de seminaire à la Republique, de seruice au Roy pere de la patrie, & d'utilité à la patrie, de l'instruction à la Ieunesse, que nous nommons ACADEMIE, doibt estre ourdi & fondé sur le Nom de Dieu. La troisieme, Que ceste inuocation en priere, ceste salutation d'en-

tree, nous adresse & soustienne à bien dire, & à
toucher en reuerence redoubtee, les choses &
secrets à Dieu appartenants & referuez: qui fera
sur les trois Natiuitez, de Nostre Seigneur, de
la sacree Vierge, de Saint Iehan Baptiste. Pour
QVATRIESME Natiuite, & QVATRIESME
cause d'iuocation: pour ne parler indignement
de bouche du Roy, & n'esblouir nos yeux au re-
gard de la Majesté, dict Esdras, du Filz de Dieu
esleu, oinct preposé, Heros aërië, moins que Dieu
& plus qu'homme. Qui est le principal but de
ceste Harengue, & nostre subgect entrepris: pour
route recognoissance de son bien, encouragemēt
& acheminement à nostre promis & esperé de-
buoir.

Mais ie sens que ie m'eslance bien auant &
resoulz biē tost la proposition de nostre discours:
sans auoir imploré, Messieurs, le bon vent de vos
faueurs, ny estre asseuré de l'assistance de vos be-
neuolences. A quoy Quatre pareilles causes m'af-
seurent, & me renforcent de courage, & d'espe-
rance. Que comme personnes pies & Chrestien-
nes, receuez & embrassez tous ceux qui viennent
de ceste part du grand Iesus Christ nostre
Chef. Que la bien-venue de ceste ACADEMIE
Royalle, vostre, instructiue de vos filz & petits
filz, vous a esté agreable & ioyeuse: Ainsi que
(graces à Dieu) à esté apperceu priuement & en
publicq, du particulier au general. Que rien ne
vous sera plus venerable en l'esprit, & mieux re-
ceu aux aureilles que des natiuitez & aduen-
ments des trois plus excellentes & precieuses
tacitement

personnes, qui ayent esté sur terre: à la suite des-
quelles est produicte celle de nostre Roy & con-
seruateur. Quatriesme & finale cause pour ga-
gner vos faueurs & attirer vos beneuolences:
Que voudrez, humainement & patiemment vne
heure de temps ouïr, non pas pour moy, mais
comme vn parlant de la Majesté Royale: d'vn
Roy qui a tant & tāt patienté de mauuaises heu-
res iours moys & ans pour nous: ouïr, disie, les
sentences que i'ay peu mediter, les fleurs que i'ay
peu recueillir, sur vn si hault & esleué subgeçt,
par mon humble stile & pouuoir.

En ceste esperance doncq ie passeray oul-
tre Messieurs: & trameray la toille de mon
oraison, aussi assurement que courageusement
l'ay ourdie: A la faueur & couuert de vos gra-
cieuses beneuolences & humains supportemens:
A l'exemple & obseruation digne d'estre mise en
coustume, des anciens Orateurs Panegyricques,
vers les Empereurs Romains, leurs patrons bien-
facteurs & du publicq: entre aultres du tres-bon
ieune homme & tres-bon Empereur Alexandre,
dict Spartian: aux iours de leurs natiuitez ou d'en-
trées de l'an, & suruenantes dignes occasions.

Reprenons donc de plus hault le fil doré de
ceste ourdisseure, de l'inuocatió du Nom de Dieu:
non l'inuocation seulement du Nom: mais soubz
l'inuocation & soubz le Nom, imploration de
son ayde, recours à sa bonté, assurement en sa
puissance. C'est le faict parfait & comble accom-
ply d'inuocation Quaternaire. Les Hebreux &
Rabbins posoient, mystere tresdeuot, & non trop
superstitieux en la voix du Nom de Dieu Quater-

naire & Tetragramme : יהוה Estant suyui par
ΘΕΟΣ Grec, DEVS Latin, DIEV François, IDIO
Italien, DIOS Espagnol, GOTT Allemand &
Suisse, WOT Anglois & Escossois. Et non seu-
lement en Quatre lettres: mais en Quatre vertus,
en Dieu, nostre Seigneur Iesus Christ, bon puis-
sant sage & eternal, Dieu en Trinité & Vnité. Il
parle voirement de Dieu & de ses grands myste-
res, moy indigne: mais non indignement: ains en
verité, ministrateur de la science du Droit, petite
Theologie, cognoissance des choses diuines & hu-
maines conioinctement: non comme disputateur
mais recitateur.

Or plus desirément & dès l'entrée i'ay fait
mention de Dieu: i'ay mentionné & exemplifié le
Quaternaire plus parfaict des nombres terriens
& humains, voire cedât seulemēt au ternaire en
la sacrée sainte Trinité: Pour mieux represēter la
prochaineté & conformité diuine & fatale du
Roy Henry Quatriesme voire Quaternaire: le-
quel tant pour ses merites, que pour l'honneur de
nostre oraison nous esleuerons & magnifierons,
tout au mieux que possible nous fera: sans ayde
toutefois de deux aydes ordinaires à plaisammēt
dire, menterie & flaterie: l'vn & l'autre de nous
vers sa Magesté ny requise ny nécessaire.

Doncques pour le premier point: Nous disons
& le sçauetz trop mieux: Que toute conference
de paroles & discours doit prendre son principe
& entree par le Nom de Dieu: En rencōtres d'hō-
me à homme, la pieté & honnesteté, sainteté &
courtoisie s'entrebaisent & s'assemblēt, en la prie-
re de bon iour & bon an, referee brieuement &

racitement à Dieu. Dieu *a & a*, commencement & fin de toutes choses: le sage Ianus, maistre de Ianuier regardant deuant & derriere, voillé par les Poëtes pour le vray Dieu: veult tout commémét luy estre desdié, l'entrée de l'année & iour, l'intitulation de compte & estat de nostre vie & actions. A quoy ie insiste d'auantage, pour estre ce temps attribué communément à l'ouuerture & principe orbiculaire de l'année: Ace qu'il plaise à Dieu nous la donner bonne & heureuse: à la commencer poursuyure & finir en la reuerence & loüange de la Majesté Diuine & Royale.

Or si l'entrée & ouuerture des choses iournaliere annuelle & temporelle, doibt estre en Dieu & de par Dieu: Combien à plus fort des choses de durée en effect, de perpetuité en vœus & desirs. Tel que nous esperons & augurons ladicte grace de Dieu aydant, en ceste structure d'Instruction & ACADEMIE: & tel que se void en entreprises semblables & de moindre bonté. Esquelles quel est le meilleur lauement de mains, que conseille le conseiller en droict humain Caius redressé par ledict Iustinian Chrestian, pour bel exorde de l'œuvre: quel plus vray deschaussement de pieds, que comande le conseiller en droict diuin Moÿse pour digne entrée en la maison du Seigneur: que par ladicte inuocation imploration recours & asseuremēt en Dieu. C'est vrayement vng. tres-somptueux & basilicq edifice, Palatine maison, bastie pour sçauoir & vertu: action trespie & vacation entre les hommes tres-honnestes & non inferieure à autre quelcōque: œuvre de Roy & Pere: Roy enuers ses subgects, Pere enuers la ieunesse de ses

subjets. C'est L'ACADEMIE & particuliere Vniuersité: fille du Roy, comme Pallas de Iuppiter: Extraictes de son cerueau, qui est son conseil: Nosseigneurs le Chancelier, grand Aufmonier, Secretaires, Conseillers d'Estat & de ses Cours. Et duquel œuure il ne me peult suruenir en pée & preuue: chose plus sublime, en estédué de profict plus longue, en espesseur de loüange plus large.

Car si nous loüions par admiration les faicts & hystoires du passé, & les receuons pour imitation: passé qui n'est & ne sera plus: Combien plus de desir espoir & sentiment debuons nous auoir de bien & honneur, en la posterité & au temps à venir: qui sera, qui vient apres & nous guerdonnera de telles graces que nous aurons faict nos deuãciens. Sinon que quelque inhumain homme & Barbare Chrestien, s'il y en a, vouldst dire comme Neron: Moy estant mort brusler puisse la terre. Quel est le desir du vigneron & laboureur, que de substituer par cheuelures & prouins de bons seps de vigne: en sombres de bons chãps. Et quels plus dignes prouins & fructueux sombres, que de vertu & sçauoir.

Mais aucuns diront: cela est assez recommandé en France, les effects en apparoissent suffisamment sur tant de colleges es villes, bourgs, villages & maisous: Es Vniuersitez, principalement ceste tant fameuse & ACADEMIQVE de Paris. Ie le dy pareillement & parleroy autrement & fortement contre moy: qui suis allaiçant les Muses estrangeres vn demy siecle du monde ou demy vie de l'homme: & sens n'en auoir assez beu

d'autre cinquante ans. Mais ie souhaite & trauaille de bon zele à vtilité & honnesteté: que ce bien publicq s'esté de sur tous, l'vniuersité soit vniuerselle. Et que à ces trois lagues l'Hebraïque Grecque & Latine, antiques & estrangeres, difficiles & longues à apprendre, faciles & legeres à oublier, negligées de la milliesme partie & plus des viuans: A ces langues, dis-ie, non pourtant à reiecter & laisser en friches: ains à contregarder en leur splendeur & reseruer en saint de post d'antiquité & profondeur de sciences: soit adiouxtee & mise apres, la langue Françoisise & Gallicque, en la France & pays des Gaules: La Quatriesme aux trois, la fille aux meres, l'integrâte aux moins necessaires, la fonsciere aux estrangeres. Comme promet l'inscription du logis de l'ACADEMIE,

Quarta tribus priscis subdatur Gallica linguis.

Qu'il vous plaise doncq, Messieurs, vous estes tres briefuement & en son lieu & propre adresse, parlé de ceste ACADEMIE, & langue Françoisise: reiterant par sommes & articles expliquées en declaration & pour semences d'entiers discours & plus profond loisir, les raisons de nostre premiere proposition publiée par Quatre affiches en ceste ville & grand cité, la Rome de France. lesquelles estans en si grand nombre & flotte, ie proteste que (pris du Poëte Latin)

*Les vents de toutes parts animez de bon zele,
Par tourbe & coniuerez ientent dans nostre voisle.*

*Tot coniuirati enmulant in classica
venti.*

Suffiroit pour toute raison la volonté du Roy:

mais elles ioinctes ensemble, le souuerain com-
mâdement à l'ordonnance considerée: faict dou-
ble force & plus estroict embrassemēt d'vn cha-
cun. Ainsi pleust à ce grād Roy François premier
en l'establissement de l'ACADEMIE des trois
langues au College des trois Euesques ou de
Cambray: à la proposition & suggestion de
Monf. Budée, Conseiller du Roy, & Maistre
des Requestes ordinaire de son hostel, soustenu
d'autres sçauārs & d'vn siecle inspiré de l'amour
des lettres: Ainsi pleust à ce grand Roy & Empe-
reur Charles premier, en l'establissement de l'V-
niuersité ACADEMIQVE de Paris, à la propo-
sition & proclamation du vertueux Alcuin An-
glois: bien-venu du siecle, admirateur de ce thre-
sor descouuert. Ainsi plaist à ce grand Henry
Quatriesme, à la proposition d'autant loüable au
proposant & pl^o honorable à l'ordinateur, qu'el-
le est plus proufitable & necessaire à la France. Et
si la proclamation d'Alcuin estrangier, de science
à vendre, comme est porté par nos Annales, à
esté receuē suyuie & remunerée de salaires & e-
difices: Ne sera celle de
d'vn François en Frâce, d'vn Citoyē à Paris, d'vn
qui peult nōmer ses ancestres en hōneur pres de
ce lieu: Brief pour l'ornemēt du pays & de ce qui
est nostre: soubz vn grand Roy, & en vn siecle
tresbien inspiré aux sciences & attēdant la com-
modité de les recepuoir.

Passons aux autres considerations sommaire-
ment: De la bien-seance & vtilité de ceste ACA-
DEMIE & langue. Bien-seance, estāt chose propre
& conuenable, en ce que chascun doibt estre in-

struict en sa langue, & le fust lors de la transmis-
sion du Saint Esprit, sacrée fontaine des sciées,
selon l'escriture. Vtilité, qui ne doit estre esqua-
rée d'honesteté: à fin d'estre mettable au seruice
du Roy, aux affaires publicques & au faict parti-
culier: & d'estre louïable à l'entre-gent des
hommes. ACADEMIE ou Ecole comme Plato-
nique & excellente à nostre desir, pour ensei-
gnement & tradition des sciences en la langue
Royale, nostre, belle, recherchée des autres na-
tions. Langue, locution & voix de nostre Roy &
Empereur: Roy souuerain non subalterne tribu-
taire & precaire, ny recognoissant aucun supe-
rieur, dict mesme le Pontife, au temporel, & entre
autres en langage. Nostre, naturelle, fonciere, en
laquelle la mere nous à esleué, la nourrice allai-
cté. Serions nous plus tenus & enclins à l'autrui
qu'au nostre. Quant à la beauté de la langue, en-
cor que composée & paistrie de la corruption de
la Latine ou Romaine, avec ses deux autres sœurs:
si est-elle comme la mousche à miel du corps pu-
trifié du taureau en embellissement accomplie.
Doulce & facile comme esperons se trouuera: ny
si perplexe que la Grecque, si variable que la La-
tine, si aspirée que la Toscane, si pesante que la
Castigliane. Je laisse l'obscurité en menuës parties
de l'Hebraïque. Recherchée & chérie des au-
tres nations & pays: D'Angleterre, tant pour la
communication de voisins & iagrandis amis par
l'heur d'amitié des Serenissimes Roy & Royne,
que pour le langage des Loix fondamentales du
Royaume: Descoffe, amys naturels & perpetuels:
D'Allemagne frontiere, Suisse & pays bas pour

ladiète amitié & conuersation: & pour l'ancien
ressort & droict de feodalité sur la Flandre.

N'ayons en cecy soupçon de nouveauté ny
moins de nouveauté blasmable. Et tout a esté
nouveau premierement: soit cecy mis en forme
d'establissement premierement & nouuellemēt,
plustost dict que nouveau. Joinct que le mal doit
faire mal vouloir. N'est nouveau ce qui est vtile
au publicq, ce qui deuoit auoir esté fait y a huit
cens ans. Ce que les anciens nous monstrent à leur
suinte & exemple. L'Hebreu preferoit sa langue à
la Chaldaïque & à toutes: le Grecq tenoit pour
Barbare & comme inhumain l'estranger: le lan-
gage Romain ou Latin estoit seul enseigné pu-
blicquement à Rome, & commandé d'estre en-
seigné aux Prouinces & pays de subgection, d'où
sont venus nos langages vulgaires demy-Latins.
Nous doncq avecq les peuples de la Chrestienté
surmontants de labeur & estude les anciens, re-
tenons les trois anciennes langues meres & mai-
stresses: Aussi qu'elles accordent & ne des-
daignent le dernier & Quatriesme lieu & rang
de compagnie, en son pays, sur son propre douai-
re fond & heritage, à la nostre.

Autre consideration tres apparente y a & rai-
son pour oster l'opiniõ de nouveauté en ce fait:
C'est pour le grand nombre de compositions &
traductions iusques à pleines charges de chariots
autant qu'en langue qui soit, qu'on trouue en Frā-
çois: Dont partie en Romans d'assez lourdes
façons en mots & sentences, de nos ayeuls aus-
quels l'escole defailloit, desaduouiables par les
petits fils, s'il se pouuoit. On ne peut nier que par

l'escript on n'enseigne, par voix aussi : mais plus à
penetrer par la tradition vocale en l'auditeur, que
par la representation de l'escript au lecteur. Seroit
il permis & cōcedé par priuilege d'enseigner par
escript: loisible de composer traduire escrire: pro-
hibé & trouué mauuais tenir exercice, escole &
ceste tant recommandée Platonique & Cicero-
niéne ACADEMIE. Nous sommes conduicts par
exemples, dict la Loy, & viuons en vn Royaume
de consequence.

Padiouxtoy la preuue par tourbe : preuue im-
plorée au droict pour dernier ancre & refuge: nō
de dix tesmoins pour vn: mais de mil contre vn, si
vn y à. Que si vn y a, qu'il considere à part & en
foy auparauant que se declarer & estomaquer la
crudité de sa passion: que tel interest & diminu-
tion de commodité n'est de droict ne considera-
ble: Ce n'est interest de la chose ny en la chose &
trop extrinsecque: non plus que d'vn bō ouurier
suruenant en ville, ou d'vn meilleur aduocat pre-
nant la cause. Mais encor ce discours est superflu:
& n'en imagine tel aucun ny entre vous, Mes-
sieurs, ny ailleurs en France: mesme entre gens de
bien & d'honneur, sectateurs des Muses, deesses
intelligées, vertus de tout langage, voire du Bre-
ton Bretonnant & du Basque en Biscaye.

Et cōme nostre vie soit distincte en deux estats
ou robes à la Romaine & Greque: la robe longue
est pl⁹ de la cour & suite des Colleges Latins &
Vniuersitez, la robe courte des François. Cōbié
que ie desire la mutuelle communication : estans
lesdicts Colleges necessaires à ladiete robe lon-
gue, vtils à la courte: L' A C A D E M I E François-

se vtile & cōuenable à tous hōmes (hōmes capables & desireux de raison & sçauoir) mesme ceux qui n'ont le tēps, la cōmodité, volōté & inclination à longue estude: Nobles volōtiers & ceux destinez à la fuitte du Roy, aux armes, à la Châcellerie, finâces, prattique, marchādise, arts & mestiers: (Nō en profundité & recherche de perfectiō) à toutes sciences & exercices d'esprit: sauf & excepté la sacrée Theologie. Mais ces particularitez de discours où seront remis à autre temps & lieu: ou vous en a esté fait ostension par les Quatre affiches, proposez en ceste ville & enuoyez de ville à autre.

T'ay cause de m'esfouir & iacter en ma poursuite & peine passée, & presque effacée par ce bel & esleué appareil: pour seruir de ce bon mets le publicq: & tascher au pouuoir de mes bras, encor qu'ils fussent autant debiles en moy, qu'en l'ombre d'Hector, mais renforcis d'un bien zélé vouloir, au seruice de la Magesté & de la Patrie, tres-humble & non moins affectionné que celui de Flavius enuers le peuple de Rome, en la publication des sciences: de chasser & mettre en fuitte la Barbarie & ignorance, que chascung bié né preueoit de peur qu'il en a, en la France. De moy ie n'en ay eu oncques peur ny soupson: voyant de toutes parts de tous estats qualitez cōditions & aages, personnes si bien inspirez & parez de discours, prompts & habiles en subgects: que ceste inspiratiō d'esprit & habilité de nature, estât animée de sciéce & aydée de sens acquis, tāt soit peu comme dans vn'an, il est d'euident espoir & iugement certain, qu'elles seroient au rang des
sçauants

ſçauãts, ſecond du moins troiſieſme ou quatrief-
me, comme reputé à honneur Ciceron vn des
ſieurs de L'ACADEMIE. Mais comme il eſtoit
plus ayſé anciennément d'eſtre ſçauant, en leur
langue naturelle & vulgaire: Ainſi ſera-il deſor-
mais par le bien de L'ACADEMIE du Roy:
Certain, que rien n'alienoit plus du bon vou-
loir d'eſtude & reculoit du ſçauoir: que la difficul-
té & longueur de la langue, plus au Quadruple &
octuple que de la ſcience meſme: au raport. & cõ-
ſcience de tout maĩſtre & profefſeur.

Après l'œconomie propoſée par parcelles en ar-
ticles ſommaires, & en cõſequence & ſuite de l'in-
uocatiõ du Nõ de Dieu & pẽmiſſiõ du Roy, puis-
ſants protecteurs du bien & diſſipateurs du mal:
nous implorõs & implorõs par humble requeſte
l'ayde & confort à ceſt œuure & bien publicq de
Noſſeigneurs & Superieurs, Magiſtrats tant des
Cours & ſouuerains, que de ceſte ville de Paris,
au Chaſtelet, Maiſon de Ville, & Vniuerſité: Vou-
loir donner ceſt ayde, & telle continuer qu'ils ont
faict depuis Quatre ans, à ceſte ACADEMIE tenuë
& exercée à leur veu ſcẽ & grẽ: Requeſte auſſi &
priere à meſſieurs nos cohabitans de France, con-
citoyens de Paris, compagnons d'eſtat profeſſion
& eſtude, proches & amys: ne nous vouloir pour-
ſuyure & vexer, ny ſouffrir: par enuie & calõnie,
double fleau de Vertu, annullement de ſçauoir,
deſtournement de bien faire: ains pluſtoſt nous
preuenir auant dire & ſubuenir en oubliance &
õmiſſion, par raiſons & moyens que vos prudẽ-
ces & eſprits ſeconds en ceſte treſgrande ville &
tres fameuſe Vniuerſité, & ſur ce beau treſriche &

opulent subiect de langue & ACADEMIE Françoise vous pourront induire & ministrer.

Je ne passeray si soudain la memoire de Flavius representée par le prudent Iurisque Caius, & posée icy en faict à mon aduis tres à propos. Flavius Secretaire du Prince au Senat Romain Appius, ayant diuulgé & publié la science tenuë secrette, fust tāt agreable au peuple: que deliuré de la cōdition de libertin & affairé, fust faict Preteur ou Preuost en la Iustice de Rome: sa posterité accreüë en grādeur paruint à l'Empire par Flavi^o Vespasian. Que puisse inferer & tirer en consequence d'vn beau faict à pareil faict: sinon pour tout loyer de proufict & honneur que Homere attribue aux bien-facteurs au publicq: pour tout magistrat grandeur & Diademe pour moy & les miens, tous seruiteurs à la Magesté & à la patrie: desirer & esperer du peuple, vn bon renom, du Roy, son bō plaisir grace & liberalité Royale, & s'il y a lieu de merite. Comme ie proteste par mes placets & treshumbles requestes au Roy & Nosseigneurs du Conseil.

Mais tirons du faict des sciēces au faict des armes: les deux de mesme raison, instructifs de la ieunesse, instruments au bon seminaire, soustemens de la Republicque, l'vn & l'autre necessaire, les armes par contraincte, les sciences par vtilité: Comme l'experience en faict assez de foy: Ainsi la necessité est distinguée par les Philosophes: Ainsi & à plus preseroit accordé aux Conseillers & Emperours du droit que les armes donnent la noblesse, les sciences quasi noblesse. Par les armes nous entendons le noble faict de Cheuallerie &

tout digne vertueux & conuenable acte, propre à la suite du Roy nostre Empereur & Monarque, pour son seruice en paix & en guerre: & à tout exercice du corps à tirer desdictes armes, voltiger, sauter, lucter, noüier, chasser, courir à la bague, combattre à la barriere: brief ce qui depend & est annexé au faict desdictes armes. Comme aussi les dependances & annexes des sciences & apres les arts liberaux cõpris les Mathematicques, l'Histoire, choisie & l'excellente Poësie, les parties de Philosophie compris celle de bié viure: La Politicque en l'art militaire, l'œconomique & mesnage de maison: La Medecine de nostre temps: le Droit François nostre profession. Lesdictes annexes, disie, sont en exercices d'esprit compagnes des lettres & sciences, l'Escriture avec orthographe, la Musique de voix & en iustrumens conuenables, la peinture en figures Poëtiques, ou Poësie figurée.

Nous les disons semblables sœurs & compagnes les armes & sciences: concurrentes en liaison & embrassement du lierre à la muraille, representees or en la lettre H. premiere du nom de sa Magesté, qui sont deux pilliers ou colonnes liées de la ceinture d'Esperance, ancienne & perpetuelle deuise de la Royale maison de Bourbon: cy deuant demõstrées par l'Empereur & le grãd cõpartiteur des deuises principales & Royales le Poëte Virgile, *pietate & armis*: Deuise de son *Ænée* quatre fois attribuée en ses œures, *Ænée* Διὸς υἱός: Louable Roy & Empereur, pieté contenant & dilatee en Justice Prudence & leur mere la science.

Semblables disie de rechef les armes & scien-

ces & de mesme raison, instructiues de la ieunesse, subiectes à tradition & enseignement, reduisibles en reigles & preceptes. Car tout ce qui est bon à scauoir, est bon à apprédre: & reciproquement ce qu'on apprend est pour scauoir & mettre en expérience, entend le Philosophe. Veu mesme que nous ne naissons pas ouuiers maistres & experts: mais ou est par ressouuenance & reminiscence, ou obseruation diligente & laborieuse: ou comme par esécriture sur la carthe blanche & impression en nos tēdres & addonnez esprits, par nourriture & instructiō: Laquelle dernière partie nous cherchons & traictons à present en ceste ACADEMIE & Escole Royale d'institution, Platonique d'excellence comme est nostre desir. L'enseignement est chose trescommune & manifeste aux lettres & sciences, & tāt qu'il semble qu'elles seules doyuent estre enseignées. Mais non moins la cheualerie & les armes & ce qui en depend. Comment aduancer vn cheual & comme il faut le retenir, le tourner, brief le manier, dont est dict en Italien & en Francois, el managio, le maniage. Ainſi particulieremēt des autres, comme les maistres & professeurs gardēt & s'apprestent à la compagnie: sinon qu'on pensast faire ces choses, *suo Marte, sua arte*: D'oū est venu ce prouerbe Latin: Chascung fist à sa mode & guise, à picquer cheuaux, à tirer des armes: Comme à danser sans cadence, à voltiger & tout autre fait sans adresse. Qui est aussi de mesme à penser apprendre les sciences sans methode & facilité de voye, à quelle fin de l'instruction entiere & accomplie, de la ieunesse iusques aux filles parties de la Republic.

que, est fait ce traicté & mené l'affaire.

Et si bien aux siecles passez & sous les Roys predecesseurs, nous n'apperceuons point a certitude, y auoir eu en tous lesdits exercices enseignemens & escoles publiques (qu'on a depuis esleué du nom trespropre ACADEMIE:) pourtant regrettons le plüstoit & excusons l'obscurité & aucune rudesse du temps: Chascun estoit comme son maistre, son Mars, formoit son art & adresse: brief faisoit au moins mal qu'il pouuoit: au peril de l'honneur deuant les Dames, du chastiment deuant l'Escuyer, de la vie en combatant, à la mode cy deuant ordinaire des nouueaux soldats. Mais argumétions & inferons ainsi, si nos predecesseurs vaillants François, renommez Gaulois, ont neantmoins sans instruction en ieunesse & d'escole si bien fait: les successeurs aydant Dieu le Roy & cest instrument d'instruction, feront de bien en mieux, de mieux en tresbien.

En ce lieu n'est à passer sous silence la digne & Royale consideration en l'arrest du Conseil de sa Magesté de l'an 1594. fondamental de ceste ACADEMIE: Pour retenir le bien & honneur en France & empescher la ieunesse de sa Noblesse de n'estre contraincte se transporter es pays estrangers: Comme l'Italie souloit nous prester à noz grands frais, & deuancer d'honneur en ces enseignemens & ACADEMIES.

Mais pour acclerer les autres parties & intentions de ceste harangue & oraison: Intentions diffuses & posees sur les louanges de nostre Roy & des louanges aux graces: Ce que les Poëtes anciens ont depeinct pour gouuernemens de Royaumes

& Republicques en la double-droictiere Pallas, aux armes & sciences, à l'espee & au liure (*Pallas Ambidextra.*) Ce que les Romains Empereurs en leurs pedagogies & compagnies de Pages, ont tenu à temps : Les Perfes & depuis les Turcs en leur Saray en ont dressé : Les predecesseurs derniers Roys de bonne memoire Charles neufiesme & Henry troisieme (à ma fidelle certification) ont designé faire au lieu ample du Temple en ceste grande ville : Ou par ledict instaurateur des lettres & sciences en toutes langues François le Grand, en son hostel des Tournelles près son fort & Chasteau de la Bastille : Lieu tres-propre, que partie de nous auons peu voir, quarante ans y a pour certaines causes desmoly.

Henry Quatriesme à present l'effectue l'experimente institué & establi, durable & bien frequenté, Dieu aydant. Ce qui aduient en lieu propre & tresbeau, le logis du petit Bourbon aux faulx-bourgs saint Jacques grands & mieux aduenants: au seruice & diligence d'un tres-humble & affectionné, tel quel à present Orateur, cy après agent & adiuteur. De là sont procedez deuises, qui seront recitez en ceste compaignee, tres-digne de ce que nous scauons de meilleur.

Ce corps peint de Pallas & le vray corps de France,

*Double-droictiers ils sont aux armes & science:
Les armes à grands frais vous scauez sustenir,
La science pour peu vous plaise maintenir.*

Ce quatrain est adressant au Roy & Nosseigneurs du Conseil, pour recommandation des let

tres & sciences: Ces deux encor à sa Magesté sur son entreprise & ladicte deuise de l'Empereur loüable.

Doctrina Herculeis prudens coniungitur armis:

Galligenas Francos pietate gubernat & armis.

Par la force & prudence,

Il gouverne la France.

Ne doubtons point, imiter les anciens imitables au bien de moralité, dict la docte ACADEMIE de Theologie: mais aussi les surmonter, selon la pie sentence Ambrosiane. En ce que la verité & lumiere nous est apparüé, & doit estre mieux recogneuë, que aux Payens & anciens Panegyricques loüants Epidictiquement par loy & coustume à belles & dignes occasions principalement és natiuitez, les Empereurs Romains. Mesme Alexandre Mammea sus desnommé embrassoit d'affection les Orateurs Panegyricques: tant pour ce qu'il estoit loué & honoré d'eux, que pource qu'ils estoient cause qu'il faisoit choses loüables. Traian auparauant disoit les aymer, (l'un & l'autre tres-vertueux Empereurs en moralité) à fin que si ce qu'ils disoient de luy n'estoit vray, il tascheroit à les faire dire vray. Nous disons dauantage de nostre Roy & Empereur: Qu'il ayme la Vertu pour la Vertu, non pour la louange: Et pource que le bien que disons en luy est vray, & affin qu'il soit vray. Acceptons le dire d'un celebre Poëte à son compagnon, de Martial à Lucain: Combien de plus fort des subjets à leur Roy: Heureuse la iournée qui l'auoit

faict naistre au peuple & aux liens:

*Felix illa dies quæ magni conscia partus:
Præbuit Henricum Regem tibi Gallia Quar-
tum.*

*Heureuse la iournée, & trois & Quatre fois,
Qui le Quatriesme Henry à faict naistre aux
François.*

Mais comme en vne table tres-couuerte de viandes, en vn jardin tres-diapré de fleurs, en vng amas immense de Diamants, dans vne eau claire tres-profonde, choisissons & prenons vng pied but & mire pour le louanger: le meritant & le requerant de nous redevables & non ingrats: nostre Roy & Empereur comme plusieurs autres: nostre protecteur & conseruateur comme seul & vnicque, au moins que ie sache. Principalement au nom de l'ACADEMIE, puis que c'est le faict plus propre de la ieunesse de declamer & s'exercer, à son pere & instituteur. Tout bien merite recognoissance & tout loyer salaire. Quel payement auons nous pour celuy à qui Dieu à tout donné (dict la Loy:) Quelle solution par satisfaction à vn qui plus reçoit plus luy est deu: sinon d'actions de graces & offrandes de louanges. Graces qui seront portées & entendues par les louanges. Nous auons desir d'estre tenus, à personnes pleines d'honneur, dignes de louages: En pareil de louer celles auxquelles sommes tenus. Ce qui est du faict & traité des biens-faicts. Conuient donc pour lesdictes louanges de present trouuer pied & subget, digne relatio & attribution au relatif & attributif.

Or fai-

Or faisant recherche & perquisition de toutes parts: pl^o digne aussi pl^o propre, ne peut estre trouué ou choisi, que le nombre de quatre ou quaternaire, dit l'admirable: pour le desduire & expliquer par poinctz cheffz & articles. Non à rapporter pardeuant vous longues & entrelassées periodes: comme ie ne doute & louë, quant à moy, des doctes anciens, & receuz orateurs, que l'oy d'vn nouveau soubris appeller discoureurs: peu de temps ouys pour la celerité d'apprehentiōs & crainte d'ennuy des esprits en ce siecle. Par ledict nombre ie promets que nous contemplerons, en vng miroir & par vne glace cristalline, la hauteur vertu l'entrée & destinée de sa majesté: haut & bas, dehors & dedans comme on dict: avec ceste protestation d'article voire de mer à autre: qui sera sans flaterie & menterie. Menterie peut estre touchée, & appurée par la verité de l'histoire es annales & certains memoires de France: la flaterie n'est à noⁿny de nostre profession de droict la presenter à sa majesté, qui ne la recuroit. Philosophos mais vn peu disoit le nouveau soldat Pirthus, le Poëte Ennius L' A C A D E M I E que Ciceron, le doct e Gellius: philosophons & meditons sur le nombre Quaternaire, non de philosophie occulte & ennuieuse (mésme à cause du 'suicé) mais prompt facile, à compter sur les doigts & aux Quatre-fours.

Lediçt nombre de quatre se trouue dono propre pour ce qu'il est tres digne: & conuiet tres grande dignité à telle description de cho-

ses diuines & Royales : tres-digne aussi, ayant esté doué de Dieu de ceste propriété: estant la dignité & propriété telle audit nombre quaternaire: qu'il ne pouuoit aduenir autrement que necessairement par luy : disent les Philosophes: iusques en quantité tres-grande de nombres quaternaires & infinie: non pas quatre fois quatre: ou quatre fois seize seulement : mais seize fois seize & beaucoup plus: qui voudroit diligemment examiner & auentageusement profiler. Enquoy messieurs ie vous prie n'admirer ce discours pour ny vouloir prester créance, comme à chose legere & non tres-serieuse: estant l'vne sur l'autre tant & tant confirmée. Ains vouloir recognoistre ce nombre pour ainsi qu'il est descript, remarqué, prouué, & aueré par foy & exemple: de Pithagoras tenu pour complet & parfait: de Philon pour tres-ample & admirable: & d'autres autrement, mais pour esclaircir par la verité ceste intention: abutós le à autres sugetz & appartenâces au ciel & en terre: auparauant que au Roy nostre propre & entrepris argument par ceste harengue. Affin que la certification apporte plus de foy & creance: la foy plus de contentemēt à vous: qui est le principal desir de tascher à honorer l'obligation de vostre tres-gratieuse assistance. En peu toutes-fois d'exemples, & comme par essay & leger atouchemēt: Le surplus *εν βαδεια σχολη*, dit ledict S. Budée, en profondeur de loisir d'escole, pourra estre enquis & remué par les escoliers & desireux sectateurs de nostre A-

CADEMIÉ.

Mais s'estime que vous trouueres meilleure
& de plus agreable occupation d'esprit ceste
meditation sus les nombres, appellée nagueres
Philosophie: Apres le chemin paré par tres-brie-
ue declaration de leur excelléce Pythagoras
tenu pour le pere antien de Philosophie acti-
ue, & contéplatiue, y constituerait diuinité pro-
duction & conseruation des misteres du mô-
de: par autres & plus modestement & à bon
droict me semble sera appellée & censée excel-
lence, quoy que admirable & en secreete puis-
sance. Vn ou vnité estoit les Principes origi-
ne & maistre des nombres & de toutes choses
rombantes en nombre. Deux comme premier
nombre premiere conionction des choses; sur
lequel binaite se bastit par vn docte homme la
louange de la dichotomie. Ternaire diuin en la
sacré Sainte Trinité: & au surplus descriit am-
plement & elegamment par Ausonne Bour-
delois cōsul Romain precepteur d'Empereur
le septenaire fait du trois & quatre excellent
& ample, sel on le docte Romain, dit le glou-
ron des sciences Varron: Jusqu'à son particulier,
de seprante sept ans qu'il auoit, de septate sept
liures qu'il composoit. ce que les doctes accor-
dent estre notable & d'heureuse rencontre: A
plus fort notable & heureux es personnes roya-
les & principalles proches de haut mister: huit
re cube de grand mister: neuf nombre multi-
plié par le Ternaire: dix le radical des grands &
l'administrateur de l'vnté: douze nombre saint
& Apostoliq: Seize grād quarré & double cu-
be: yingt cinq Cinquante & Cent, en grand sa-
D ij

ge: Trente terme d'affaires humaines: Quar-
té recommandé par la saincte escriture, meime
pour la Quadragesime d'ans, & iours au desert
& delà de ceste quadragesime en ieulne.

Quatre nostre tasche & argument: & certaine-
ment (fors & preferé en la sacré-sainte Trinite
le Ternaire) le plus grand, ample, absolu d'an-
gles & costez, & excellent, l'admirable selon
Philon: & tant plus vers nous & à nostre inté-
tion admirable qu'il est Royal & Hentrician. Je
dis & declare appartenir plusieurs fois & non
mites en compte, à la majesté du Roy Henry
quatriesme. Et si vers le Roy François a esté la
primaute louée & declamée: Vers Lois le saint
la saincteté: Jusques à la chauueté ou caluicie
vers le Roy Charles le Chauue: A bon droict
& par droict d'exemple nous louerons la qua-
ternité soubz Henry quatriesme. Ce qui ne fe-
ra toutes-fois louer en encomie & demonstra-
tion: mais simplement narrer & designer. Au-
trement à le narrer & si peu que soit crayonner
d'ornement: le iour de Iuppiter ne suffiroit,
vn volume de Mercure ne satisferoit.

Entrons donc en ce temple quaternaire tres-
riche de biens, tres-pecieux en beauté. Auquel
vous seront representées seize couples de nô-
bres de quatre, au ciel & en terre: De ceuz
là serez Messieurs plus en volôté de croire
& en contentement d'esprit, que seize autres
appartenants au Roy & Royaume pris de la ve-
rité d'histoire & de memoires certains vous
soient aussi representez: & aussi tost represen-
tez, cogneuz mieuz & certifiez par vous. Que
dis-je: deux fois seize, mais seize fois seize: qui

fera le multiplié de ieize, seize le multiplié de quatre. Ceste recherchée diligente ingenieuse & digne du loisir d'escole calculation, se traitera lors de la tenue & exercicc. Qui fera que ce brief discours demy-Pythagoricque, non inutile au ieu de la ieunesse ne vo'era des-aggreable: tres-serieux toutesfois par parties des quatre lettres en huit langues & quatre autres pl' loingtaines, du nom de Dieu: Apres ceste dignité en la diuinité, des quatre elements & delà quatre liures d'institutions, dict Iustinian: quatre qualitez & humeurs corporelles, & delà quatre degrez de cōsanguinite prohibéz à mariage, dict le Pontife: quatre faisons de l'an: quatre cours de la lune, & de la quatre sepmaines au mois: quatre parties du ciel, vents, confins d'heritages: quatre parties de la terre, monarchies antiennes, parties des Gaules, parties d'Espagne, dont Nauarre quatriesme: Reuenans à la diuinité, quatre animaux deuant son throne, Euangelistes: Aussi Secretaires, Marefchaux & Cours en France.

Les grands & insignes exemples nous meneront au fait particulier & subget entrepris: dõt la preuue comme dict est, est remise à ce beau & profond loisir, au serieux ieu de ieunesse. Premièrement se presente ceste heureuse rencontre, qu'apres ces tres-grandes & solempnelles aux Chrestiens natiuités de nostre Seigneur **I E S V S - C H R I S T**, de la sacrée Vierge Marie, de saint Iean Baptiste son precurseur: soit pour quatriesme celle de nostre Roy à la France le iour de sainte Luce, comme de sainte & se-

renissima lumiere, iour mesme de la lumiere & natiuité de L' A C A D E M I E, avec vœux & prieres pour la santé & prosperité en honneur & grandeur de nostre Roy: quil est au quarrente quatriesme an de son aage & huietiesme complet de son regne: soixante quatriesme Roy de France: quatrieme Henry Roy de France: quatriesme Henry Prince de Nauarre: quatriesme Roy de France & de Nauarre: quil a porté quatre noms Prince de Bearn, Prince de Nauarre, Roy de Nauarre, Roy de France: quatriesme Roy de France avec deux Royaumes: quatriesme portant Corone Royale de la maison de Bourbon: portant quatre noms d'honneur & grandeur, entre autres tres-Chrestien de France & Tres-Catholique de Nauarre, Tresclement Auguste. Dieu-donné: quatriesme Roy, appellé par la loy Gallicq, Debelateur des Quatriesmes ennemis autre fois de la France des Espagnols, apres les Anglois, les Danois, les Saxons: de la lignée Royale quatriesme & de quatre maisons, avec quatre Princes du sang & cydeuan st quatre ôcles & têtes & leurs belles lignées: quatre pays & enuirons de la France honnorez de Princes d'alliance & de quatre maisons pres sa personne. Presente finalement L' A C A D E M I E fille a étretenir ce quatrain à sa Majesté: quatriesme pere & instituteur d'Academie: Et la quatriesme aussi aux trois langues antiennes, quatriesme aux sectes & escoles d'Athenes.

Mais c'est assez & longuement parlé. Aussi bien Messieurs nostre Roy tres-bon & tres-vi-

gilant aux necessitez de son Royaume, bien & repos de ses subiects, ayant plus faire que dire & ouir, executer que parler: du naturel & façõ du gråd soldat Empereur Marius Romain: tres-chrestien, & tres. catholiq avec les autres Roys de France & de Nauarre, tresclement Auguste & Dieu. donné: portant en vne main la paix, & en l'autre la guerre, ainsi qu'auons eu l'honneur del'entendre de sa bouche: paix coronée d'oliuiet fructueux & abondant, guerre garnie de laurier, superbe aux vns, amiable aux autres: paix beaucoup meilleure & plus entiere acquise par force & apres Mars enseuely & resferré en cercueil, selon la deuise presétée cy devant.

Bello pax bella sepulto. Paix embrassée par la Iustice: ornée par la science: enrichie de felicité & toutes quatre seruies par L'ACADEMIE, pour l'instruction entiere & accomplie de la ieunesse, aux armes & en toutes sciences & langues: sa majesté dis-je ne parle que de guerre, ne traicte que des armes: fait sonner les trõpettes, battre les tambours. A la majesté duquel a son honneur & plaisir, est dediée & recitée la presente harengue & oraison.

Ie la finiray donc: apres infinies graces & effectz de graces par mon tres-humble & affectiõné seruice à ladicte majesté pere de la patrie & à la patrie, à vous dis-je & aux vostres messieurs, par moy avec autres. Prenant pour conclusiõ des discours deuant-dits sur l'institution de L'ACADEMIE & loüanges du Roy par le nombre quaternaire: la fin & issüe que le gråd & Royal Poëte Virgile presentoit à Auguste

Cesar estant sur son partement, à la fin de son
œeuve.

*Cesar dum magnus ad altum
fulminat Euphratem bello, victorque volentes
per populos dat iura, vidamque affectat olympo.*

Vers raportez dignement pour les faicts &
personnes :

Cest auguste Cesar, ce grand henry Francois
S'apreste à foudroyer tous & chascun les lieux,
Du rebelle ennemy : & là planter ses lois.
Pour paruenir en fin au merite des dieux.

FIN.

cela fait & bien receu par sa Maieité Nos seigneurs &
tous pour le general : a esté & sera procedé à l'essay, les
Vendredi & Samedi prochains : Et à la tenue & exerci-
cice de ladicte Academie en tout debuoir & diligence
possible, avec assiduité & sans intermission, le Lundy &
autres iours consecutifs : par luy & autres, tant pour les
sciences que le fait des armes, & suiuant les reigle-
mens presentés en publicq aux autres trois preceden-
tes propositions : Audiēt nom & ayde de Dieu.

A PARIS

Au petit Bourbon, logis del'Academie
aux fauxbourgs sainct Iacques

FIN.

Avec permission à l'Auteur & deffences
à autres.

ay
ne
est
es
.
&
f-
r-
q
p
o-
ne
on
na
.
r
o
s
r
.
y
r
.

